

# COVID-19 ciihtahikan

## Kekonen ciihtahikanaapo?

Ciihtahikanaapo kaa icikaatek mashkikiwinin. Ciihtahikan aapihkoonk ishi piincihsin naanta peshiko ciihtahikan.

## Aan endocikemakahk ciihtahikanaapo?

Ciihtahokooyan kika wiichikon ekaa ci aahkosiyen. Paapahkaan ayaawan ciihtahikanaapoon paahpahkaan inaaahpinewinan naanta aahkosiwinan.

## Minoshkaakemakanoon in ciihtahikanaapoon?

Eha. Mashkikiwinini miina omashkikiwi kihkentamaak kihci anokiiwak kecinaac ciihtahikanaapooni ciminosenik. Ehta ciihtahikanaapoon kaa minosekin pakitinikaate ci aapatahk Canada. Waawiiyac naanaakatawencikaate ci minosekin ciihtahikanaapoon.

## Ciihtahikanaapo in aya ke aapatahk COVID-19 ikaank?

Eha, ayaawan aninta ciihtahikanaapoon ke aapatahk COVID-19 ikaank.

## Kekonen ciihtahikanaapo maawac kaa minosek?

Kahkina ciihtahikanaapoon maawac minosewanon ekaa ci aashohinc awiya COVID-19. Kiishpin aashohikoyan COVID-19 ishkwa ciihtahokoyan, ciihtahikanaapo kika wii cihikon ekaa ci kici aahkosishkaakoyan. Mashkikiwininiwak otinaawaan awiyan ci otaahpinank nishtam ciihtahikanaapooni ke miininc.

## COVID-19 ciihtahikanaapoon in minosewan? Maawac ekii papaashi oshicikaatekin.

Eha. Mashkikiwinini miina omashkikiwi kihkentamaak kihci anokiiwak kecinaac ciihtahikanaapooni ciminosenik. Ehta ciihtahikanaapoon kaa minosekin pakitinikaate ci aapatahk Canada. Waawiiyac naanaakatawencikaate ci minosekin ciihtahikanaapoon.

## Nintaakii aashohikon in COVID-19 ciihtahikanaapo?

Kaawin. Kaawin kakii aashohikohsiin COVID-19 ciihtahikanaapo. Ciihtahikanaapo owiichton kimiiyawaani ci nihsitawinank miina ci miikaatank COVID-19.

## Naanta in pahkaan inishkaakemakan COVID-19 ciihtahikanaapo?

Kaa ishkwa ciihtahokooyan, kikakii naanta pahkaan inishkaakon. Kika kaakiicinihke iitok aanti kaakii ishi ciihtawikooyan. Naanta ci caakiiwamanchoyan kaye cikishihsoyan. Miitash ohowe onci kimiiyaw emonshitooc ciihtahikanaapooni. Pahkaan inishkaakewinan kaawin mishiinokiishkaa kika ishi ayaasiin.

Aanita awiyak oka macishkaakonaawaa ciihtahikanaapooni. Naanta awashime cikihciinishkaakowaac. Kawin mihsiiin awiya ohowe otahpiici kihciinishkaakohsiin.

## Kiishpin tashwiin nawac mishiinokiishkaa ihiwe inamanchiyo yaan?

Naanta kikii aashohikoonaatok minikohk kaakii ciihtahokooyan. Kiishpin awashime niishokiishkaa inamanchiyoan, naanta kitani aahkos. Pihkish ishi kanawenimitison (niikateshkaw awiyak) miina ci naanaakacihi koyan COVID-19 ci ayaayan.

## Aanahpii keniin ke ciihtahokooyaan?

Kikakii miiniko nonkom. Piincipiihotisowinan ayaawan minsiwe onomaa kitakiiminank. Kikakii ishi kit ci piincipiihokoyan ihimaa 1-844-626-8222 (1-844-MAN-VACC). Otinwehtamaakek ayaawak mishiinwaa mitaahsomitana ishi kiishwewinink kekii aapacihatwaa masinahotisoyan miina kaa ishi mishiino ciihtahotiniwank. Ihimaa kitaakii ontinaan wiintamaakewin [manitoba.ca/vaccine](http://manitoba.ca/vaccine) or [protectmb.ca](http://protectmb.ca).

## Miina kiyaapic keshi kikishkamaan aakawiinkwepison miina ci niikateshka wakwaa awiyak ishkwa ciihtawikooyaan?

Eha. Aakawiinkwepisoyan miina niikateshkawatwaa awiyak kika wiichikon miina kotakiyak ci mino ayaayek.

## Ninka tipahike in ciihtawikooyaan?

Kaawin tipahikaatehsinon ciihtahikan awiya kaa miininc Manitoba.

## Keniin in tash ci otaahpinamaan ciihtahikan?

Kika onetaan kiishpin wii otaahpinaman COVID-19 ciihtahikan. Kaawin kataac ci otaahpinaman ciihtahikan.

Mishiin awiyak paahpahkaan otitaanaawaa ciihtahikanini. Aaninta wiintamaakewinan iitok kwantaa ihkitoomakanoon. Kitaakii kakanoonaa mashkikiikwek kiyaapi wii kihkentaman ciihtahikan. Kika miinikook kwayahk inaacimoowinini.

Kika kii kiwiike kaye [manitoba.ca/vaccine](http://manitoba.ca/vaccine) onci wiintamaa kewin.

